

趙仁声文稿序

曩自棘中讀仁甫所爲公車文見其融冶爾雅嘗比之於赤水珠光覽至後塲益醞藉淵富竒偉鏗鏘乃作而嘆曰是非深於古文辭者不能也旣觀見仁甫則温然如玉蘊蓄如武庫譚吐如峽倒河懸因其人益重其文云又數年而仁甫成進士予一遘之于八浦茲復遘之于湓城把讀其香雪齋詩草業喜而序之矣及閱其所爲古文辭雅馴雋永不必



索隱而故實孕含不必曝書而經籍囊括指  
事陳詞咸有裨風教三復之竒峻嶽峙隱奧  
淵涵神變龍躍吐納荀王出入賈馬諸體悉  
具衆妙咸臻洵藻園之芳軌而後進者之正  
鵠也獨惜吾仁甫以彼其才而坎壈仕路徘徊  
羊腸藝文窮人良以未歎然而仁甫躋而  
愈奮窮而益工一切聲利珪組不以介於其  
懷而日惟圖史之與親毫素之是適孳孳然  
若龍門之於史左徒之於騷也者仁甫蓋有  
艱哉故以定國是匪辭弗揚以固邦交匪辭  
弗信以締朋好匪辭弗寄弗宣第從容暇豫  
反覆陳說則案楮不爲多千言不爲贅若乃  
輸心於瞬息索報於晷刻所貴約而盡微而  
莊罔窳罔俗所謂達而已者非邪嗚呼難矣  
予居恒酬應頗繁體裁匪一聞將短篇彙爲  
一帙客卒讀而卒歎曰是可傳予應之曰隨  
時披懷罔意工辭不文之言行胡可遠也曰  
鳳毛麟甲世所共珍子是之編實類之矣奚



之園文和入卷戶  
斬而弗以公諸人乎予不獲辭遂以付剞劂  
趙仁甫先生詩談序  
鄭懷魁撰

昔在西京之記曰無說詩匡鼎來匡說詩解  
人頤此詩人談叢所自始也其後鍾嶸則有  
詩品遡窮源委作者之致燦然洎乎近代詞  
家評騭若林嚴子羽高廷禮楊用脩王元美  
謝茂秦胡元瑞其著者也吾閩中趙仁甫先  
生嘗爲法曹嗜梅花有香雪齋詩行世其清  
芬竒絕皆可以沁心脾別著詩談分上下篇  
原本風騷苞孕漢魏錯綜五代蹂躪三唐乃  
其停分甲乙時標奧旨獨構微言自談稗以  
來未有若斯之大者矣仁甫本天水王孫昔  
以宋之盛自王牒所登庸者或以經或以賦  
能兼之者蓋寡焉今仁甫旣業以經術應制  
而能揚榘羣言詘雕龍於文心掩雌黃於稗  
苑可不謂能亢趙宗者哉予以使事迺晉安  
獲與仁甫締爲社碁局酒鎗間聽說千秋上  
下六合内外多耳目所未見聞仁甫所有未



之園文和八類序  
三  
可量也然卽談詩一稅亦足以徵仁甫矣讀  
周記考工所程論皆入微至稱輪之規萬與  
輈相和弓之安危與矢相得也謂之國工此  
非胸中有成弓輪言不及此詩曰維其有之  
是以似之仁甫之謂夫

趙子十論自序

王制既登輿者適以辭也  
語云碁局消夏予性不好奕然而齋閣炎蒸  
若坐釜甑無以自遣乃搯觚著論以當手談  
噫嘻古人以奕消暑而予乃著書古人以窮  
愁著書予書乃以暑著古人味在三餘予乃  
著書於長夏微歎藻翰之弗古若已也所謂  
夏虫不可與語冰非耶雖然感時觸事情見  
乎辭觀者或亦有取焉爾

演連珠自敘

趙世顯曰連珠非古也而起於漢以余所睹  
記班固賈逵傅毅三子受詔之作其詞豔其  
言約其取喻精而託諷婉蓋言言明月已嗣  
是以還代有撰述言人人殊要之合作辟徑



寸之與小璣參錯而絡綴之其於以耀目均也余小子鄙何敢以魚目進第煩暑掩扇罷逢迎而獨處薰風齋榻氣定神清隨意操觚不覺成帙偶客過索讀之嘖嘖曰昔有消暑珠非是邪何其圓瑩而流鬯也余漫應之曰夕夢化驪龍乃領下纍纍然覺而編此真邪夢邪然余方爲滄海遺方投暗而點額愬且見笑於蠓蚋敢自謂含珠龍也而又奚有於消暑客曰噫嘻余得之矣昔者黃帝遺其珠於赤水俾象罔索而獲之今子摛辭于有無之間可以觀可以諷可以興子是之編殆將以俟世之象罔也余聞之

帝方急賢以代照乘藉令得是覽之不啻獲雙報於昆明能無歎同時而開宣室乎子姑待之行且起而照千里矣故吾願子之自珍也余感客言命小子操牘識之

演連珠序

蒲陽陳承芳撰

右演連珠九十五章晉峰趙公撰也芳辱公



鄉人夙稔公之學囊括六籍陶鑄百家業已  
入化境每縱筆珠璣射目聲蜚藝苑會川樓  
吳先生品藻閩闈遂以弱冠售於鄉顧數遊  
燕市燕客還其珠公亦雅自珍寄跡廣文寓  
言滄海之遺也爰做詩八比興攄其夙蘊演  
連珠以風當世而終以自况云尋起制科理  
池陽芳幸承下吏愈獲覩著述之全蓋誠一  
代詩文冠冕也其音什八種遍流寰宇獨連  
珠演尚爾襲珍芳請繡梓廣厥傳恭申言於  
簡末曰法言難合巽言易入物情大較爾也  
連珠假物陳義婉言風切詞不煩而意剴到  
警覺人心宜莫善焉者矣彼斑賈創之大陸  
演之有以哉奈之何學大陸之步者駸失故  
武工駢麗競織巧誇靡無當適召類排之誚  
耳我公起而一洗之命意摘詞大都關世教  
者循其言以繹思若上而君德恭儉下而民  
生利病大而理財官人小而幾微感應以至  
身心言行出處遇合靡不畢舉其取類也博



其屬詞也約蓋雜然並陳有纍纍連絡者在  
殆如綴萬斛珠而貫以一也抑公性靈瑩徹  
晶熒發而咳唾落歟夫無價明珠韞公胸次  
公固公賦而一賦之命

聖世奇珍矣臺使者今屢列治行揚于庭

聖天子行將采之置左右坐照天下其經綸參  
贊不近取斯演裕如耶昔東山楊氏謂歐陽  
公一代詩文冠冕相業可占芳於公亦云

演連珠後序

江陽劉期安撰

演連珠趙公晉翁舊刻也公自序陳君復序  
之畢矣安不能文容復何喙第安醉飽公十  
論香雪齋草客函隨筆及諸種製間付剞劂  
稱言言織錦已一日搜笥復出茲集示安初  
讀之聲轉于吻玲玲如振玉辭靡于耳纍纍  
如貫珠再讀之則天壤爲光丘陵生韻義包  
乎家國天下調同乎白雪陽春誠收百氏之  
闕文採千載之遺響安愜然愛之最甚因避  
席請曰此集胡不廣傳俾流于世公曰厥板



遺池南久矣僅存獨集匣中安聞之且惜無  
何因謀梓人爲鋟夫鄭書子產之長漢賢孟  
公之敏往以單辭隻語縱橫千古爲竒茲編  
握璣揆珠郁郁成藻且也有裨君德民風大  
闕人情世教藉令子產孟公諸賢復生相與  
品較之當未易先後者寧忍鄧林之蒼蕪歎  
歛碩耶不能文非所諱遂于圖南書屋重刻  
焉敢與四方同志者共珍之

一得齋瑣言序

鼇峰主人李承爵撰

夫人代殊派非中柱孰障狂瀾世路多岐需  
南車招之大道自員鑿方枘之爾爾而金口  
木舌且寥寥迺仁甫先生詞源浩瀚墨汁淋  
漓行於世者累千萬言愛而傳者凡數十種  
雅推作者士爭重之嗟嗟文而重人以人重  
爾先生以有宋之王孫蚤迅鳳毛之瑞謝  
皇朝之仙吏晚脩牛耳之盟秋宇冥鴻旣翱翔  
于烟水霜天獨鶴詎偃息於氛囂卽貴鄴下  
之赫蹏蔚多芳潤逾珍袖中之名刺絕少逢



迎栗里松筠甘閉關而養拙芝園池館肆撫  
景而濡毫冠挂玄武之門覺雞肋之無味望  
斷白雲之舍付鹿夢於何心爰列寓言斬還  
雅道思登三咸五之靡訖徒驪六駢四以奚  
爲于是絕倒品題鍾情描畫或激而弗怒或  
質而非俚或鏡古今失得之林或黜叔末涼  
暄之態一坏六尺寧襲響于說鈴秋水落霞  
豈爭炎於炙輶直抒三冬之富何關一字之  
工驟按之餘唾珠璣潛玩焉省心藥石倘見  
大意者取其一嚮而遡玄詮者游于三昧彼  
紫紅幻飾矍然芒舄而純冠粉黛殊妝敢不  
脫簪而歛衽邪昔曼倩傲世僅雜之詼諧獨  
季子觀風必攷其謠俗睹斯辭也颯颯乎力  
維頽靡酣而啜之悠悠然味末箴銘誰云筆  
底繁花紛丹青而點綴案頭幼嬾織月露之  
菁華乎哉異日者採之太史藏之名山庶幾  
繫不朽于汗青附鄙言于鼓吹則余之厚幸  
也寧有既乎



客窓隨筆序

孫昌裔子長謨

明興著述之盛莫右於成都楊太史吳郡王  
司寇其鉅麗者無論卽玉屑碎金如丹鉛伐  
山卮言宛委諸篇攷覈則博物讓精評隲則  
雕龍遜雋斯亦辨囿之珍苞稅海之竒錯也  
然徒取誇鬪間涉齊虞枝止騷雅無關名教  
論者猶不能無遺憾焉迺若可玄可白可經  
可緯可以針砭可以鼓吹則吾閩趙先生隨  
筆足當之矣先生與先大人同舉南宮主海  
內壇坵之盟幾四十年其所譏業已彬彬郁  
郁成一家言大方之家定鑒具在有喙三尺  
無庸贊一辭至於此書先生不過偶就耳目  
所經興致所會意識所獨到者有得輒錄不  
復銓次傍訊廣括無分門彙然而妙析玄超  
品評卓逸澹詞雅謔使人心涼莊語法言又  
能使人神竦蓋其標韻彷彿臨川而不以巧  
累理其辨博則出入成都吳郡而不以雋傷  
道夫非皮有陽秋胸無煙火安能尋微裁中



開朗高徹若此竊窺先生微指顧猶大有所  
寓今天下學迹二氏風宗典午輔車建鼓茅  
靡波流先生固已正襟而嚴距之而是篇之  
中惓惓疊疊排斥剖擊尤不遺餘力皮相者  
徒以文人貌先生耳夫文人結習類多煩熱  
世網以梵界爲清涼歿繼禮法以方外爲解  
脫抑孰有行應規表言必準繩壁立砥峙如  
先生者哉蓋先生品格清峻真如白鶴朱霞  
挂冠以來園居掩關左盂右書焚香宴坐而  
已故其詩文冰心玉骨在彭澤左司間卽矢  
口縱筆亦皆泠泠塵表令讀者躍然而若思  
爽然而自失也然則是篇雖不足以盡先生  
而先生生平大概亦可想見於此矣小子狂  
簡樂以操翰當執鞭故不敢謝不敏而僭書  
其膚臆以請質焉



芝園文稿目錄

卷之一

序文

應天武舉錄序

劉靜之易稿序

政略序

百將傳節略序

鎖闈稿自敘

江士拔尤錄後序



老子註解序

警心類編序

陳孟惺制義序

風木末思詩序

浙江鄉試錄序

萃玉編序

卷之二

序文

顧氏世譜序

仇翔伯論草序

四川武舉錄後序代

分門類唐詩選序

鶯花夢餘錄序

月社序

梅花百詠序

王廣文詩序

玉露編序

大寧縣志序



康李鷹孤吟稿序

演連珠自敘

卷之三

序文

漢魏百篇序

白門遊稿序

廣逸園八詠小序

大司徒鍾陽馬公平格壽言序

香雪齋小簡自序

續鹿草集敘

听子序

黃世重燕遊稿序

寤真記序

七子纂要序

武科策選序

遊鼓山序

春郊讌遊序

元始天尊先天道德經疏解序



古黃易先生遺稿序

吳子脩依綠園稿序

趙子十論小序

馨雪齋稿序 陳氏世譜序 鳳談序

卷之四

序文

送戶部尚書郎李公還 朝序

送瑞昌令錢君序

送徐司理應召赴闕序 代

賀守臺易公榮擢參藩序

送萬邑李侯擢守橫州序

賀雲陽馮令君考最序

賀大中丞譚公平播序

卷之五

序文

賀新繁孫令公序

送徐司理序

送夏以舜邑簿歸省序



周震川復姓序

賀節推陳公膺司徒嘉命序代

卷之六

記

遊逸園記

署園記

豐樂園記

重立周顛仙告太平碑記代

方塘釣叟亭記

卷之七

祭文

祭李太史文中丞祭公文

祭封兵部員外陳公文代

祭封刑部郎中金公文代

祭陳涵宇文中丞祭公文

祭陳涵宇文代

祭舅文代文

祭葉茂才文代文



祭大宗伯肖泉兄文代

祭施明府文代

祭施明府六有年兄文

祭薛翔宇年兄文

祭張少師太翁文代

祭高存德文代

祭封監察御史徐公文

祭徐封君文代

祭中丞邵公文

祭蘧齋陳先生文

祭高子元先生文

祭詹寅丈文代

祭羅華宇年兄文

祭羅華宇文代

祭胡寵文代

祭廖大叅文

祭陳壻文

祭廸功郎張辰樓先生文



卷之八

祭文

祭盛母文

祭王太夫人文

祭高會嫂文

祭楊太夫人文

祭龍門陳孺人文

祭施太夫人文

祭施太夫人文

祭施太母文

祭李太夫人文

祭李太夫人文

祭彭太母文

祭陳太母文

卷之九

雜文

諭播文

採御皇木祭神文



謝晴文

再禱雨文

謝晴文

三禱雨文

三謝雨文

四禱雨文

四謝雨文

建社學祭土神文

高山堡新建二橋祭土神文

橋工成謝土文

再建梁西社學祭土神文

五禱雨文

禱雨祭玄天上帝文

斷髮剪爪禱雨牒神文

謝玄天上帝文

五謝雨文

再斷爪髮禱雨牒神文

再牒城隍神文



六謝雨文 帑文

謝龍洞神文 雨霽帑文

瘞枯骸文

發社學訓童蒙口語

弟溺文 入蘇雨霽帑文

建關廟動土文帝文

戲爲陸藝彈文

卷之十

書

報座主陳先生

與高存德書

贈袍帖 戲

與顧太學

與劉山人

與陸子勉

與蔣子

報蔡戶曹年丈

寄李山人昭道



與鄭忠甫吳子脩諸丈

與袁景從

與諸藍昆弟

與藍用恭

與黃汝辟

上李司成

與林天迪

與李公子

與莫廷韓

與李先榮

答姚元龍

答官七臺

寄王蔭榆

答蔡戶曹

重報廷韓

重報汝觀

重報沈參甫

報王守和



書

寄施引之

寄莫廷韓

報周公瑕

再報休承

報張幼于

寄張伯起

報高存德

報張嘉興朱秀水

報黎思正吳惟明

報友人

重報黎思正

報盛錢二觀察

報友人

報李先榮

報嚴都諫

報謚上人



報姚張二山人

報王百穀

報莫廷韓

報章南華

重報汝觀

重報公瑕

報王會泉郡守

報武塘諸公

與林天迪

報武塘諸公

與友人

寄袁景從

寄陳平夫

卷之十二

書

報黃全之

報陳振狂

寄用晦殿下



寄貞吉殿下

報王徵君

與陳大

報虞德園年兄

答姚汝觀

與林貞濟

與方比部

答姚汝觀

與吳子元總戎

與高存德

報徐梅松二守

與丁休寧

與丁令

答方比部

戲柬尤子輝州守

報沈南陵

與張蕪湖

卷之十三



報徐宿松

報尤子輝和州

寄王元美司寇

報諸親友

報王參藩

報邵公

報方比部

報盛泰父

與龍君善

報龍君善

寄鶴汀伯

報王孝廉

與劉靜之郡長

與林舒城姻丈

寄邵朴巔叔翁

與藍五弟

卷之十四



卷書十四

報宗伯姜廷善先生王元美司馬

再與張蘭谿

與趙錢塘

與許西安

與池州公

與余內齋觀察

與諸大令書

報林天迪

與袁懋吉

與王百穀

與高千仞

與吳喬峰姻丈

與劉淳寰憲使

寄憲使鴻臺家叔

卷之六 再與王百穀

與余憲使

與周公瑕



與王太史周郡丞諸丈

與用晦芾斯二殿下

卷之十五

書

與何湖口

寄謝徐郡公文

報吳川樓座師

答王百穀

與羅茂才

與張侍御

與胡孟弢博士

寄芾斯孔陽宗良文孟諸宗侯

報陳學博

報雍郡伯

報芾斯宗侯

報宗良宗侯

報孔陽宗侯

寄劉劔閣明府



報曹平仲中丞

報劉平江

寄吳子脩明府

與曹中丞

報李本寧太史

寄懷陽蔡別駕年兄

寄魯休寧年兄

與蹇理菴司馬

卷之十六

書

報吳潮陽子脩

報胡觀察

報曹開府

寄徐來二年丈

與褚鴻溪

報曹開府

與池郡諸公

報田都諫



與吳叔嘉

與同年陳公望宗伯

與曹廷尉

與王百谷

與徐連城

報範之家叔

答康孟擔

寄大宗伯陳公望年兄

答三泊傅明軒明府

答友人

卷之十七

小簡

與陸子勉

答金明府

與友人

答黎孝廉

答陸子勉

借研帖



與金明府

與黎思正

與友人

報黎孝廉

答友人

答嚴都諫

小答蔣邦士

卷之  
答袁孝廉

答思正

還研帖

與黎孝廉

與沈太學

寄張惟守

上巳帖

報陳郡守

重報李先榮

報姚太學

報文休承



答友人

與張季賢

報金明府

報丁觀察

報文休承周公瑕

報王百谷

重報百谷

與王汝存

與高存德

與友人

報林貞濟

與陳履吉

與友人

送筆帖

與王季孺太史

報周我遺

與王季孺

報友人



解衣帖雪中與劉徵君明漸

報謝光祿

報許郡守

報王旭東司理

報吳年丈

簡同寅諸郡長

重報振狂

報藍姑丈

與劉二

與朱郡博

與夏孝廉睿甫

寄睿甫

邀賞絳桃

與于都護

與張侍御

與林天迪

與用晦宗侯

報馬梁園年丈



芝園文集  
卷之十八  
目錄

與邢殿元

答邢君典

答友人

與徐惟和興公

與陳平夫

卷之十八

復吳子脩

啓

奉餞少司馬李公啓

請座主徐檢菴公啓

賀王相公壽啓代

端午同寅公讌堂翁啓

姚寅長初度請啓

初度讌同寅啓

公餞邵公入覲啓

餞劉使君啓

與姚寅長啓

公餞劉使君啓



賀許相公壽啓代

賀邵操臺啓

上王相公啓代

賀藩伯邊公壽啓

賀屯巡劉公啓

冬至賀漕運啓

冬至賀操江啓

冬至賀應天撫臺啓

冬至賀南贛撫臺啓

冬至賀俞江院啓

冬至賀彭屯院啓

元旦賀舒總漕啓

元旦賀操江啓

元旦賀南贛撫院啓

元旦賀應天撫院啓

元旦賀俞江院啓

元旦賀彭屯院啓

謝莊撫臺薦啓代



芝園文集  
卷之十九  
答邊方伯公賀壽啓代

賀南京兵部侍郎石公啓

賀申相公壽啓代

卷之十九

啓

元日賀任撫臺啓

奉毛大理啓代

謝莊撫院啓

請林巡江啓

擬上田宗伯啓

擬謝兵部尚書舒公啓

擬謝兵部侍郎石公啓

擬謝巡江俞公啓

請湖廣撫院秦公啓代

謝戶部侍郎莊公啓代

請鹿鳴宴啓戊子南畿

謝陳按臺啓代

謝莊撫臺啓代



賀總漕陳公啓代

賀吏部侍郎周公啓代

郡庠送諸生應舉啓

賀南京兵部尚書舒公啓

宴兩廣撫臺轉少司農劉公啓

宴福建撫臺張公啓

賀分守張公壽啓公啓

會請任撫臺啓代

宴張相公啓代

宴張相公啓代

兩道會餞秦按臺啓代

與李司理啓

賀大中丞董公啓

卷之二十

啓

送新啓

與蔡節推啓

上胡兵憲公啓



請吳按臺啓

請貢士啓

為忠兒延師啓

啓請吳按臺遊龍洞啓

賀胡兵憲公誕子啓

上劉憲使啓

迎耿郡公啓

餞劉劔閣孝廉啓

上李太史啓

復曹荔溪中丞啓

送年啓

賀耿郡公壽啓

餞胡觀察啓

送新啓

餞黃學憲啓

謝邢兵侍啓

賀邢制府壽啓

報譚中丞啓



重報曹中丞啓

賀王參藩啓

送年啓

送王按臺啓

寄上徐老師啓

目錄終

芝園文稿卷之一

閩中趙世顯仁甫著

李承爵子脩校

序文

應天武舉鄉試錄後序

歲戊子秋應天既舉明經孝廉士矣侍御喬公以冬月按治肅紀宣猷加意文教復闢武闈維時撫巡諸公後先按節振武敷文以故士生茲土爭相奮勵林林然咸操弓秣馬削牘載筆思



見一奇畫一策以副當事者之知屆期集郡國材官騎士三試之得士若而人紀歛騎步射中之目與其文之優者以進不佞世顯謬膺校閱之役宜有序於末簡序曰夫今天下之所至重至重者非文事乎哉至於用武之略則薦紳學士率厭譚之詎不謂寓內又安邊陲寧謐梯航而貢者不絕於途稽首而臣者窮極天壤丁斯全盛之世固無用此區區鄙藝爲也庸詎知夫善養身者不以康和而廢藥石善止水者不以無潰決而廢隄防矧今雖號極治然而邊烽未盡告息海波亦未盡晏如邇環鎧之夫潢池之孽一譁于淞再譁于粵于蜀于滇天下不可謂無事矣則所謂戎兵戎兵云者又何可以廢而弗之講也今始而觀爾諸士之技也方格虎射命中已而試之文則纏纏數十百言靡匪太公司馬之籌而孫吳氏之略也由斯握兵符詎第可稱才將卽儒將亦奚讓焉然而不佞之所望於爾諸士則非始進之難而效用之難非嚮用



之難而終完節之難也夫玉卮無當世所深慨  
而鮮終之戒卽學士猶兢兢然爾諸士由此而  
階進用必也知有國不知有家知有君而不知  
有已知有敵而不知有身無以險勅而怯無以  
貧窶而貪無以勦功而忌無以名微而要無以  
戰勝而驕無以功高而怠無作福作威而震主  
上無恃勇悍而不下士大夫無躬享奢慾而不  
愛士卒行副其言終如其始則庶幾才將儒將  
哉設或不然則爾之所長于騎射者亦未技耳  
而其所以爲文者抑空言耳得士若此將焉用  
之抑予又聞之遠有所慕則近有所遺予姑未  
暇泛然以太公司馬爲爾諸士期諸士產畿服  
曩者 聖祖開天首登采石豪傑景附其間如  
孫丹陽陶姑孰王當塗柳皖國之數公者非皆  
爾鄉人乎哉而咸依光日月乘時奮庸銘勛鼎  
彝垂芳竹帛洵大帥之前茅而後進之正鵠也  
諸士誠景行爾先哲而興起焉則必弗詭于予  
之所戒而無負于予之所期夫然則射匪粗技



芝園文集卷一  
文匪空譚人將嘖嘖謂江以南富文武才賢而  
主司者善得士也則豈惟爾諸士之榮抑亦主  
司者所由以愉快耳爾諸士勗哉

劉靜之易稿序

劉公易稿者予寅長淳寰公應制科羔雉也予  
素學易公蓋精于易者故予與公後先爲徐太  
史公弟子曩予讀公文見其弘深峻潔爾雅偉  
暢矯然若騏驥之絕於塵也私心慕之竊意亦  
文馬爾已及予初試爲池司理公適守是邦予  
始至而聞政則脩墮舉廢興士裕民警奸剔  
靡匪龔黃之略而張趙之籌也則又未嘗不歎  
服公政夫振民育德容保教思遏惡揚善與夫  
制節謹度人文化成皆易之道也公處以發之  
詞章出而施于有政剛柔弛張一稟諸易故精  
於易者無若池州公夫其達于政者郡之士與  
民口碑類能載之語厥文詞則固皆耳而未之  
目也以故邑大夫偕諸文學僉謀剞劂之以傳  
予三復之而益有感焉夫聖門之弟三千文學



以子游爲稱首至其爲政乃能舉百里而弦歌之偃也非徒文者也自世尠通才政事文章往往岐而兩之若方圓水炭之不相爲用也噫文而罔適於用何以文爲矧吾儕率誦法孔氏乃無能步武其徒而第曰文人文人虎皮甚矣故予三復劉公文而重有感也問其政足爲二千石指南問其文則可使譚義周者北面謂有用文章非邪予愬世之多士徒知讀公之文詞而無能程式于其政非深知公者故復有子游之說要以明劉公爲孔氏之徒也

### 政略序

趙子適梁道經千萬萬之士之民之故老郊逆之趙子再拜而請曰愚竊聞之不習爲吏視已成事稔耳而侯賢吾殆將程之其政固可悉歟萬之士進曰昔也予萬士怠於學惟李侯至乃飾泮宮乃時課試乃脩禮教人文蔚然興焉萬之民進曰昔也予萬俗健於訟好奢而尚鬼樂賭而傾貲侯著爲令而民不犯殆庶几稱善俗



矣故老徐而進曰士之德侯也以興文民之頌  
侯也以德化野夫耄矣復何言然自侯之興文  
也而人知敬敬則老無播棄自侯之宣化也而  
人知畏畏則嚴事父兄凡耄夫之得享有餘年  
者皆侯賜也趙子聞而再拜曰斯而侯之所以  
賢也夫興文則德宣化則刑德以孚之刑以輔  
之政莫善焉斯而侯之所以賢也相與歎息而  
別比至梁乃李侯遺趙子以政略趙子授而卒  
業未嘗不投袂而奮也曰有是哉夫蒿華秦岱  
登之者乃知其誠高毛嫵西施見之者乃知其  
誠美李侯之政之善得是編而目之乃知萬之  
士之民之故老其言洵可信而非誣也予小子  
惟侯是程且將賴以寡過私竊顧諟敢忘服膺

百將傳節略序

百將傳傳百將也見川劉公節略之義何居無  
亦芟厥蕪雜俾學古者知所指南云爾夫自昔  
建高牙擁大纛而思勒功鼎彞垂光來裔者何  
論千指要其所著闕僅以百計焉則洵哉爲將



之難也蓋非臬將之難而才將之難非才將之  
難而智將之難故得臬將百不如得才將一得  
才將十不如得智將一追數古初若尚父鷹揚  
以聖輔聖尚矣嗣是而諸以將顯者曷嘗不際  
風雲之會依日月之光樹勛烈于一時揚休聲  
於千禩哉然求其不媿智名則自范少伯張子  
房諸葛孔明之外指不多屈焉則洵哉智將之  
尤難也夫少伯佐勾踐苦身焦思卒之讐復耻  
雪子房運籌決勝以祚炎劉二子功成身退遂  
遊笠澤而嘉遜赤松始終稱明智焉孔明盡瘁  
輔漢出奇設伏如神其智尤未易及者之三人  
者誠非可與諸將同年語也故曰鷲鳥累百不  
如一鶚其智將之謂歟讀劉公節略者可以深  
長思矣公當 世廟時爲良二千石感時謝病  
徜徉芝室綽然有張范之風至讀其所爲詠史  
詩亦嘗於孔明子房深致意焉然則公之所取  
法可知已公有子爲淳寰使君以名進士握池  
郡符凡經畫注厝昭與孫吳合至其燭幾決策



捷如飛電妙若轉圜不日秉節鉞爲天子疆  
場之臣可必其有餘智而發見川公之未盡發  
者其在使君乎其在使君乎諸邑長吏剖劄成  
書以報使君而乞言于不佞不佞白面書生誦  
法孔子足未履行陳耳未聞鉦鼓睫未習旌旗  
何敢論將然而隳三都會夾谷則未嘗聞之矣  
然則讀是編者由三子之智進而之太公則可  
乎曰姑舍是乃所願則學孔子也

鎖闈稿自敘

歲乙酉予有事留都棘中時同事者闈於詩而  
予亦絕口不稱詩也蓋不勝闈寂云逮茲戊子  
秋復有是役予攬檄嘆曰大丈夫當雄飛處揚  
眉吐氣地耳安能鬱鬱爲此乎辭不獲強就事  
謂當復闈寂如昔也不意共事者爲尹使君位  
甫把臂驩甚受卷之暇輒相與杯酒坐談分題  
刻燭或登樓嘯詠或對月成歌甚至夜分無寐  
而和倡竟夕意豁如也以故自入闈迄撤棘未  
朞月而予詩逾百篇位甫之和章稱是夫予之



宦池幾五載矣括詩囊不滿四百乃一入棘而  
遽繁若是曷故哉昔惠施值而蒙莊喜譚鍾期  
逢而流水輒奏聲應氣求捷若桴鼓然位甫以  
辛未成進士與予範之叔父爲同籍位甫貳宛  
而予理池誼切通家官聯南土且也學博而精  
氣醇而雅調古而逸心下而虛情真而諒予每  
奏一篇位甫未嘗不容嗟稱善也喜而愛愛而  
和和而繹凡予意之所含情之所指位甫歷能  
探索之若予自鳴馬洵哉同事同志而同聲者  
欲予詩不繁不可得已易曰二人同心其利斷  
金同心之言其臭如蘭予與位甫實當之矣倡  
和集業共梓于溧陽而溧陽潘令徵復爲之序  
已而王元美司馬又重序之以傳此則予所以  
私識歲月者

江士拔尤錄後序

右江士拔尤錄乃直指陳公觀風部中課諸士  
而錄其文之尤者以式也公以兩浙鉅儒巡行  
江右進多士而教之一主於黜浮崇雅而多士



亦靡然向風蓋公以實求士士卽以實應之捷如聲鼓然古稱氣求聲應洵弗誣哉予觀江右廬峰峻拔蠡澤淵含山川靈秀鍾於士人士之文不患無奇患奇而詭不患無華患華而尠實也茲錄之所爲文雖言人人殊大抵質而雅簡而達婉而中飽而不靡嚴而莊淵然蒼然炳炳然若周鼎商彝質理渾樸而色澤耀人誠治世之精英而藝林之矩矱也昔者韓昌黎一變俳靡而起八代之衰六一公痛排軋茁而恠誕之劉輝卒易幾而變雅則漸靡然哉江士有督學君以化誨之於下而得柱史公風之於上卽陶鑄于韓歐不啻辟猶水之在孟孟圓則圓孟方則方也謂厥詞不速肖而美美而愛愛而傳也有是乎噫又聞之玉卮無當弗及瓦缶良驥詭轡駑馬先之諸士文尤矣藉令信不由衷文將焉用柱史公之風士匪徒以文也士圖所以稱公意指尚其礪爾行慎爾言敦樸守禮載仁循義肅王章而重彝憲庶幾處而鴻士出則名公



不獨以文詞尤衆也則始終稱玉卮良驥哉是固柱史公意也敢爲布之如此

老子註解序

世之譚道術者疇弗稱老莊哉予睹莊氏書雄奇浩渺大之囊六合小之入無間挾日月而薄風雲是千古之所希豔也然太樸亦幾乎散矣老氏則不然混兮洞兮融融兮等之金玉老猶在鎔而莊其于將乎老猶在璞而莊其圭璧乎故深於道術者無老氏如也而或以虛無少之庸詎知老氏之虛虛而未嘗虛也老氏之無無而未嘗無也猶在鎔之金有于將無于將無于將而有于將在璞之玉有圭璧無圭璧而有圭璧故曰老子猶龍非虛語也實其虛虛其實無其有有其無抑在人善用之而已故用之於文帝則身致治平用之於曹參則坐收寧一之効疇謂老氏徒虛無哉此其言具在人自不察耳曰無爲而無不爲夫非老氏之宗旨歟然則洪陽先生之註是也意淵哉是在夫人善



芝園文集卷二  
讀而善用之固難爲淺見寡聞道也

警心類編序

嘗讀孟子書有味乎其言之也曰欲知舜與跖之分利與善之間利善之間非此心乎夫舜之與跖若蒼之於素鸞鳳之於鴟梟相距奚啻霄壤惟心實基之心其可以弗警乎故心猶之水也水弗隄防之則汎溢矣亦猶之馬然馬弗羈勒而銜轡之則奔蹏而泛駕矣心一也警則舜弗警則跖矣警之弗可以已也如是洪陽張先生夙升金馬日侍重華洞窺石室之藏鬯心往詰之旨爰輯斯編用以淑心身而風寓內取而玩之顛然惕然若睹盤銘丹書令人起敬起畏洵治心之型範而藥俗之參苓也予攷國語稱衛武公年踰九十猶箴誡於國恭恪於朝作抑之詩以自警故詩人賦淇澳以美之謂之曰獻聖夫抑詩十有二章而已先生齒髮甫壯寵遇方隆拳拳警惕至累牘連篇視十二詩何如者予不但爲先生歌淇澳矣



陳孟惺制義序代

今夫文也者載道之器匪虛車也晚近世學士  
經生操觚而譚交臂而授詎不雲蒸霞蔚彼自  
謂文在茲矣試揆之於理道往往若方員氷炭  
馬嗟嗟爲文而詭於道奚以文爲潯陽古稱多  
材予曩濫竽直指行部于斯吳守平山君以孟  
惺進予攬其文而嘉之比承乏備兵茲土守熙  
寰徐君復進孟惺如吳守予益嘉陳生文謂當  
冠多士令兒輩與相下上辛卯秋孟惺果魁江  
省諸士翕然謂予知人惟予自揣寡昧惡能知  
孟惺乃若知之則以其文已孟惺之文不雕竒  
而古不吊詭而新不藻飾而麗不蔓引不刻削  
而贍而精卒澤於道德性命所謂載道者非邪  
語曰言之無文行之不遠又曰信不由衷文無  
益也文如孟惺非行可遠而有裨於時者邪然  
而孟惺且將策大廷階通顯異時立德立功  
有大焉者生之名世又不徒以文已也

風木末思詩序



風木未思者四明省亭王君蚤失怙恃丐當世之善鳴者著於篇以寓厥哀情於無已者也夫思也者人之大情也故逆旅則思鄉故別媛則思藁礎離素則思游好矧怙恃之愛無所解於心者能無思乎故人子之於親饑則思以飫之寒則思以溫之勞則思以佚豫之疾痛則思藥而起之設有不可諱則潸然戚然皇皇然思其居處思其笑語思其嗜好其始死也其思痛以傷其方祭也其思感而愴逮夫旣葬則見塋墓而思見丘木而思見裳衣什器而思終其身如一日焉然則王君之未思殆謂是乎君先大夫曰葵庄公母夫人胡氏茲卷所云葵心抱赤者思父而寄之葵者也曰萱背者見堂萱而思母也萱而曰鍾靈者慶孫枝之秀而思歸美於其親也噫嘻君亦可謂善思者已親不待養而不忘思思其親不見而托之物物不可長也而播之聲詩以垂不朽卽古人之致慨於風木者不過是矣可不謂善思乎哉詩曰未言孝思孝思



維則又曰孝子不匱來錫爾類君之孝思既未  
言矣卽今擁皋比表則一方誠擴此心以迪多  
士而彰錫類之化則思宏以遠庶幾稱大孝哉

浙江鄉試錄序

歲已卯浙江復當大比登雋巡按監察御史

奉某上命惟虔惟謹先期函采幣聘某等自四

方來既至則某得主試事某得分試事提

調則某監臨則某御史率百執事而進之闈中

兢兢相戒務得人以稱某上意乃進督學大夫

所簡士三千有奇三試之得雋九十錄其文之

雅馴者以某獻某例得宣言于首簡乃言曰某

幼嘗讀太史公所爲文詞何其奇古精深與海

嶽爭雄日星並耀哉至考厥眺衡湘浮江漢登

會稽探禹穴適燕趙齊魯乃知其得於山川之

助者深也今越固名勝巨區江海輸奇湖山獻

秀爾多士產於其間鍾英萃靈敷爲詞藻宜乎

談王道述禮樂其旨遠其義章其持論中當否

其思隱約其出謀發慮井井綸綸枚枚秩秩庶



幾哉與司馬太史並軫齊驅矣其等手披目擊而口誦之未嘗不掩卷而嘆也曰山川之助乎文一至此哉已乃爲多士懼則何懼也士之談文也猶將之談兵也今有人馬耳未聞鉦鼓曉未覩旌旗足未履行陣輒擁劔虎坐纒纒數千百言靡匪孫吳之策太公司馬之籌也或遽信之而授鉞推轂馬枹鼓一聞左次不免信夫讀父書反不如無步伍者善也士之文而無實也何以異是故其願諸生之務實用也方今主上垂裳宰臣吐握搜沉逸而畢登之風虎雲龍千載一遇爾多士應期而出凡道德性命禮樂刑政財賦兵戎之屬旣能口之以對主司矣由此入其帝廷曷不實踐而躬行之毋利祿而貪母尊顯而慕母權勢而趨母聲華而競母以利鈍得喪而遷彬彬哉言行相符斯誠天下士也有司得此其媮快可知脫或黷貨以病庶于進以病守依阿以病直釣名以病質變塞以病貞則豈惟社稷之憂抑亦有司者之恥也士不聞



賢母之詔其女乎先之以敬戒申之以無違逮  
既于歸果能奉姑嫜相夫子而修婦道則于父  
母有光而爲之媒妁者亦胥榮寵焉又不聞楚  
人之相馬者乎楚人得馬于冀北之鄉直中繩  
曲中鉤方員中規矩曰此良馬也收以貢之天  
閑御而用之輒詭銜竊轡失故步而背周行惡  
得良今某等相爾多士而媒之有司者之心亦  
既殫矣爾多士尚無忘敬戒成有司爲良媒且  
無若楚人有失馬也豈不始終愉快哉

萃玉編序

曩余過王伯子官所蓋聞吳門有蔣將軍邦士  
云憾未荆識也戊寅冬日君以督餉來武塘挾  
刺投余宦邸倒屣促席手神意氣宛若儒生且  
喜稱說詩賦至其所自製駸駸如天寶間人口  
語余竊謂將軍文父之譚兵術則司馬孫吳纒  
纒數十百言若倒囊而出之乃知君所以奮起  
吳中魁武闡策竒勛者端有所自匪直以介冑  
承家抑弗專以詞章名世也夫文武異用若蒼



素馬疇克備具君乃身兼有之詎不超然雋杰  
哉以故才士鉅公無邇遐咸傾慕之傾慕之不  
足詠歌之詠歌之不足則又文而頌美之言人  
人殊要歸於願從游而締情好也夫君何以得  
此於士林間哉無亦兼才之致耳辟彼應龍泥  
蟠天飛雲雷變化騏驥逐電追風周八極而瞬  
息之故人樂道其神也不然者孰異而孰贊之  
哉方今主上垂衣邊陲寧謐罔所庸衛霍而  
君顧憂治危明不以雅歌廢韜略如鎮福山督  
飛輓防護經畫勞苦功多身先諸將居恒每語  
人曰吾不難驪弓劍徜徉流峙間與烟霞侶第  
念大丈夫荷國榮寵報稱之謂何耳故其中表  
黃志淳父贈之云行行期報國豈是爲封侯庶  
乎獲君之心者咄咄吾邦士以彼其忠誠庶幾  
古所稱三不朽而其人有足多者吾又審群公  
贈言之意抑匪特以兼才云也編名萃玉睠此  
贈章固言言拱壁矣余言燕石也詎可與拱壁  
伍惟君所進退之



山對其前遊歷之

觀幸固言言其聲其

隨言之意味細辨以無才不也

古所謂三不化其入林其多故吾

平對其文之

黃志其文

念大文夫

入百其不

芝園文稿卷之二終

